

# لمعات

اثر  
علی روحی

---

معارف نظارت جلیله سنک رخصتله طبع اولمشدر

---


رخصتنامه نومروسی ۱۰۵۴

۱۰

استانبول

(مهراڻ) مطبعه سی - باب عالی جاده سنده نومرو ۷

۱۳۰۲



سَمِ اللّٰهَ الرَّحْمٰنَ الرَّحِیْمَ

الحمد لله بلا حصر ولا تعداد. والصلاة والسلام على محمد الذي  
هو سيد العباد وسند العباد. وعلى آله الذين سلكوا مسلك  
السادد بمزاولة الاذكار ومداومة الاوراد. وصحبه الذين  
صفوا صدورهم وزكوا قلوبهم بالمجاهدات المنتجة للقرب  
والوداد. والتابعين الذين ثقفوا اثارهم ونقلوا آثارهم  
في كل محفل وناد « اما بعد » معلوم اوله كه اشبو [ رهبرحق ]  
رساله سنك عرض جمال ايمسنه سبب اعظم دولت ابد

مدمتړك بندكان صداقتنشانندن و خيرات و مبرات بښنده  
 يكانه زمانن اولان برذات ديانتمهاتك اشبه و داعي  
 مخلصانه لرينه ايراد بيورمش اولدقلىرى سؤال ديندارانه  
 لريدر شويكه كه [ حى اولان مرشد كاملك روحانيتنه  
 (رابطه) اولنمسندن استفاضه و صحبتندن استفاده اولنديغى  
 كى بعدالارتحال ينه روحانيتنه (رابطه) ايديلورمى ؛  
 و روحانيتى سريلرئنى تربيه ايله مرتبه كاله ايصال ايدرئى ؛  
 ايتزمى ؛ و مرشدينك حياتنده تكميل مراتب ايتيوب  
 ناقص قلمش و لكن نشر طريقه مآذون بولنمش اولان  
 شيخ ناقصدن استفاده ايديلورمى ؛ و كندوسنه رابطه  
 اولنمى جائميدر؟ دكليدر؟ [ بومغنيدار سؤالنه اول وقت  
 مختصر بر جواب و يرلديسه ده مالى مغللق و بك چوق  
 مسائلى حاوى و تفصيله محتاج اولديغنى كورديكمدن ادله  
 قاطعه ايله اثبات اولنورسه هر كسه و نقشيلرله طرق  
 جهريه اصحابنه منافع عديده ترتب ايدى جكنى تيغن ايلدم  
 بناء عليه تفاسير واحاديث و علم كلام و اخلاق و تصوف  
 كتابلرينه مراجعت ايدوب جمع و ادخاره موفق اولمش

اولديغ مسائل دخی بر کتاب شکلی آلمش اولديغنی  
 کورنجه ذخیر آخرت و سرمایه سعادت اولمق نیت  
 خالصه سیاه تیبیضنه مباشرت و [ اذامات الانسان انقطع  
 عملها الامن ثلاث صدقة جاریه او علم ینتفع به او ولد صالح  
 بدعوله ] حدیث شریفه امثالہ مسارعت ایلدم . یعنی

موت ایرشد کده هر بر انساندن . جمه اعمال انقطاع ایلر  
 نیک صالح او غلام و وقفله هم . علم نافعله انتفاع ایلر

امدی [ لقد غرسوا حتی اکلنا و اننا لنغرس حتی یأکل  
 الناس بعدنا ] یعنی [ اسلافک دیکدیکنی دیکمزی کی بزم  
 دیکدیکمزی دخی یسونلر ] منطوقنجه اخوان طریقته  
 بر یادگار . و عمومه بردستاویز باعث التذکار اولمق امیه سیاه  
 اشبو [ رهبر حق ] ک اکالنه تشمیر ساق اهتمام ایدرک  
 بعنایة الله تعالی آز بر زمان ظرفند اتمامی دخی میسر  
 اولمشدر . همان فیاض لمیزل حضرت تبری اشبو [ رهبر ]  
 هدایت اثری جمه اهل طریقته نافع ایلوب دعاسی جمه مزه  
 فرض عین اولان شهنشاه زمان ، وکیل مفخر دو جهان ،

حامیء دین مبین ، محی الشرع المتین ، السلطان ابن السلطان  
 السلطان الغازی عبدالحمید خان ﴿ افدمز حضرت تلیریاہ  
 اولاد واحفادینی وجاہ ارکان سلطنت سنیہ بی اکنار  
 کونیہ دن مصون و آلام معنویہ دن محفوظ نیکنام ایلہ دائم  
 عدل و داد ایلہ قائم محبوب اولیا و منظور اصنیا ایلیہ آمین  
 بحرمة طہ و یس . امدی ذکر جمیلاری بالادہ سبقت ایلیان  
 ذات دیانتہات مادامکہ اشبو اثر نافعک حصولہ کلمنہ باتدی  
 اولمش و بز دخی هر دائم نعمتلیریاہ متنع و مترفہ بولمش زدر  
 کندولرینہ تقدیم و اهدا اولمشی من کل الوجوہ انسب و احری  
 کور لمشدر . و من اللہ التوفیق و هو الہادی الی سواہ الطریق .

### مقدمہ

معلوم اولہ کہ اک اول انسانہ فرض اولان توحید بری  
 و حق سبحانہ و تعالیٰ حضرت تلیریک جانب اقدسندن رسول  
 اکرم صلی اللہ علیہ وسلم افدمز حضرت تلیریک کتوردیکی  
 وامتنہ کاینبغی تعلیم و تبایغ بیوردقلری شریعت غمائی  
 تصدیق و قبول و مقتضاسیہ عملی اعتیاد ایلمکدر . بودہ

کتاب عقائدده مصرح ومدلل اولان مسائلی تتبع وکتب  
 فقهیه دن مسائل فرعیه عملیه بی تفحصه حاصل اولورکه  
 برعالم متقن دن سؤال و تعلم ایله تحصیل ایدیه بیلور. امدی  
 عقائدینی اهل سنه تطبیق و عملیاتی دخی اهل عزیمته  
 توفیق اثناسنده طریقت علیه داخل اولمق ایستیان ذات  
 [ یا ایها الذین آمنوا اتقوا الله وابتغوا الیه الوسیلة ] [ نظم  
 جابانک مضمون شریفنی ملاحظه و لایقیه تفکر و مطالعه  
 ایلدکنصکره وصلت حقه و سیاه عظمی اولان برشیخ  
 کامله اقتدا و بر مرشد مکمله انتساب وانما ایدرک  
 بو وسیله ایله مطلوبه وصلت میسر اولور . بوضورتده  
 کرک ذکر اللهم و کرک شیخ ایله رابطه و طریقت علیه نک  
 وارواح منتقله دن استمداد و استعانه نک و بونلره متعلق  
 دیگر بعض مسائل مهمه نک بیانی لازم کلدیکندن  
 رساله مزنی بش باب ایله بر خاتمه یه تقسیم و شیخه متعلق  
 مباحثی تقدیم ایلدک .

( باب اول ) شیخ کامل و ناقص بیاننده در

اقتدایه صالح اولان شیخ طریق ایمان و تقوایه عارف

واجوال سلوکه واقف وحقک ذات وصفاتی لایقینہ  
 واصف وهرحال وطورده سالکک مشکلاتی حاہ مقتدر  
 و اخلاق محمدیہ ایله متخلق مقام مشاہدہ واصل و تجلی  
 ذات مرتبہ سنہ نائل اولمق کر کدرکہ مریدک تزکیہ سنہ  
 بادی و اعلی المطالبہ ہادی اولہ . بوصفتلر ایله متصف و بو  
 مقامہ واصل اولمیان شیخ ناقصدر . ناقص اولانک  
 تربیہ سی دخی ناقص اولہ جنی محل اشتباہ دکدر . لکن  
 نقصانی بالاعتراف کامل و مکمل اولان شیخنہ دلالت دخی  
 کافیدر . امدی برکسہ علم ظاہرک صلاح و فسادینہ متعلق  
 مسائلی بیلمک استرسہ دائرہ شریعتدن طلب ایدوب فقہایہ  
 و کتب شرعیہ بہ مراجعت ایلمک لازمدر . بیلوب  
 اوکرن دکدنصکرہ انلر ایله عمل ایدر واکر علم باطنک صلاح  
 و فسادینی و ترقیات و تنزلاتی بیلمک استرسہ مرشدکاملی  
 بولوب اکا انتساب اتملی و ویردیکی ذکر و فکر و رابطہ سیلہ  
 مشغول اولمق لازمدر . واکر معرفت و حقیقت سرینہ  
 و [ موتوا قبل ان تموتوا ] مقاملرینہ نائل اولمق ایسترسہ  
 تسلیم و صدق تام ایله مرشدینک تحت تربیہ سنہ کیروب

سلوك وار بعينلر و مجاهدلره قاتلانهرق قلوبندن ماسوا و حبه  
 دنيايى و اخلاق ذممه سنى قلع و قمع ايلمك لازمدر .  
 اشته بويله جه حركت ايليان مرید مرشدینك توجهات  
 قدسیه لرینك تأثیریه ( فنا فی الله و بقا بالله ) مرتبه لرینه  
 واصل اولور « خلاصه کلام » شریعت و طریقت و حقیقتی  
 | و اتوالیبوت من ابوابها | نص جلیله جه یولیه و قبولرندن  
 یعنی شریعتی علمادن و طریقت و حقیقتی مرشد کاملدن  
 طلب ایده جك اولور سه آ ز زمانده مقصودی حاصل  
 اولور . و اگر علمای شریعت مرشد در دینه دوشمیوب  
 ( بز علم باطنی کتابلردن آور مقتضاسیه عمل ایدوب اله  
 کتوریرژ ) دیرلرده عندی ریاضتله و اوراد و اسمالر چکوب  
 سلوکلر و خلوتلره کیررلر سه بیهوده یره افنای عمر ایدوب  
 فائده سنز یورلمش اولورلر . بونلرک حافی عاشق یونس  
 حضرتلری شویله بیان ایدرکه :

کریچ قودم قزانه - پویراز ایله قایناندم

نه بو دیوب صورانه - باندم ویردم اوزومی

یعنی ( مرشد سنز عندی ریاضت ایدنلر قزانه چاهور قاتوب

پویراز واسطه سیاه طعام پیشیرمکه و کندوسی غداندقدن  
 صکره خلقه دخی اول طعامدن یدیرمکه بکزر زیر اکندوسی  
 نه یرسه احباب و مریدانه دخی او طعامدن یدیره جکی  
 طبعیدر . امدی پویراز ایله یمک پیشمز طونار . چاموردخی  
 یتیموب ینلر دخی درلو درلو مرضله مبتلا اوله جقلری  
 شبهه سزدر ) کذلک مرشدسز بالذات مجاهده و ریاضت  
 ایدنلر و کذا جاب دنیا و تکثیر مریدان نیت فاسده سیاه  
 ( مرشدکاملم ) دعواسنده بولنانلرک امریبه سلوک و ریاضت  
 ایدنلر دخی معنی بر فائده روحانیه حاصل ایتیموب روح  
 و سرلرینک هلاکنه بادی و ریاضتلی معرفت الهیه دن  
 محرومیتلرینه باعث اولوب وساوس و خواطرینک تزیادینه  
 سببیت ویرر . و نهایت قلب و روحلرینک ظلمتده قالملرینه  
 و شوق اخر و یلری کسیلوب دنیا به ظالملرینه سبب اوله جنی  
 مسلم کرده ارباب عرفاندر . ( خلاصه کلام ) نسبت  
 باطنیه دن بری وید صحیحه دن عاری اولدینی حالده مجرد  
 جاب دنیا غرضیه ارشاد دعواسنده بولنانلر ضال و مضل  
 و کذاب اولدقلری بی ارتیابدر . زیرا ناقص اولوب کمال

باظنیندن مفاس اولدیغنی و صرف اهل دنیا اولدیغنی  
 کندوسی یقیناً بیلدیکی حالده [ بن اهل رابطه یمه بکار رابطه  
 اده جکسکیز ] دیمی بو کونکی کونده ( وارث اکمل محمدی .  
 وقطب الوقت بنم ) دیو دعوا ایلمک دیمکدرکه بوندن بیوک  
 خطا و ضلال اوله من . بومقوله متشیخین کاذینک حالی  
 [ وسیعلم الذین ظلموا ایّ منقلب ینقلبون ] نظم جلیلک  
 مال مقدس اشتمالی موجبنجه روز جزاده نهیه منقاب  
 اوله جنی معلوم اولور . زیرا دین مبین محمدی بی ملعبه اتخاذ  
 ایدرک انبیای عظام علیهم السلام و اولیای کرام حضراتنه  
 بیاه بیاه افترایه اجترایتمش اولور . اشته مال سابق  
 مؤید شاعر بلیغک بری اشیو :

سوف تری اذا انجلی الغبار ، افرس تحتک ام حمار  
 بدتی انشاد بیور مشاردرکه [ حجب بشریه ظلمانیّه مرتفع  
 اولوب نفس و طبیعتک هوا و هوس توزلریله دوما  
 صبرلدیغنی و روز جزا منجلی اولدیغنی وقت آلتکده فرسمی  
 وار : مرکبمی واردر یقیناً کورر آ کلار سین ] دیمکدر .  
 آنجق تکمیل مراتب ایتیموب مرشد کاملندن سیر وسلوک

کورمش و کندوسندن مأذون و مجاز بولمیش اولان  
 شیخ ناقص ( رابطه ) بی مرشدینه ایتدیررده کندوسی  
 یالکیز تلقین اولندیغی ذکر قابی و لطائف و تهلیل و نفی  
 و اثبات و مراقبات درسلیله اکتفا ایدر . و ختم  
 خواجگان و بعضاً ختم ربانی و آره صره سلوک  
 و اربعینلر ایله اشتغال کوستررسه سائر پیران طریقتدن  
 استمداد ایلیان طرق جهریه مشایخیه مریدانی  
 پیرلرندن نه وجهه استفاده ایدوب ترقیات معنویه نائل  
 اولورلرسه اول شیخ ناقصه انابه و انتساب ایلیان مریدان  
 دخی بویاجه استفاده و ترقی ایده جکارنه هیچ شبهه یوقدره  
 و ناقصلیغه برابر کندوسندن رجل کاملک ظهوری دخی  
 ممکن و محتمل ایدوکی سادات کرام نقل و بیان ایلمشلردر .  
 لکن بو درلو شیخ ناقص متشرع و حقوق عباددن محترز  
 اولوب قوگشولری و کندی اهل و عیال و اولادیه کوزل  
 و طاتلی کچینور برحالده و هیچ بر کیمسه کندوسندن  
 شکایت ایتمز صفتلرده بولمسی شرط اعظمدر . ایشته  
 حدیث آتی مال سابق مؤیددر . جامع الصغیرده ابوهریره

رضی اللہ عنہم دن روایۃ مسطور در کہ رسول اکرم صلی اللہ  
 علیہ وسلم اقدم من حضرت تلمی [ ما من عبد الا وله صیت  
 فی السماء فان کان صیتہ فی السماء حسناً وضع فی الارض  
 وان کان صیتہ فی السماء سیتاً وضع فی الارض ] یعنی  
 ( حق سبحانہ و تعالیٰ حضرت تلمینک قول لرندن بر قول  
 یوقدر کہ کو کدہ آنک شہرت حسنہ سی و یا شہرت قبیحہ سی  
 او! سون . امدی سما نہ شہرتی حسن ایسہ یردہ کی مخلوقاتنہ  
 شہرت حسنہ نامی وضع او انوب اهل سما محبت و تعظیم  
 ایلدکاری کبی اہالی زمین دخی محبت ایدرار . واکر  
 سماوات اہلی عندندہ صیت و شہرتی قبیح ایسہ روی  
 زمیندہ بولنان عباد اللہ نظرندہ دخی قبیح بر نام ایلہ یاد  
 اولنوب کندوسنی ذلیل و محقر صایارار دیو بیورمشلردر .  
 ( شراح حدیث ) ( وضع ) کلمہ سنی حق تعالینک قولنہ  
 اولان محبت و بغضیابہ تفسیر بیورمشلردر . یعنی [ حق  
 تعالیٰ حضرت تلمی قول لرندن برینی سورسہ بولندیفی مملکت  
 اہالیسی دخی آنی سور . و ہر کیمہ بغض ایدرسہ کافہ  
 اہالی دخی اکا بغض و عداوت ایدر ] امدی خواص

وعوامك بهري عندالله محبوبميدر ؛ يوخسه مبعوضميدر ؛  
 آكلامق استرسه محله ليسندن و خانه خاتقيه ، قومشولرندن  
 و اقربا و تعلقاتيه احباب و يارانندن آكلامق ممكندر .  
 يعنى هر كس بزدن خشنود و راضى ايسه و بزى ذكر جميل  
 ايله ياد ايدوب خير دعا ايدرلرسه حقك عند معنويسنده  
 محبوب اولديغمزه علامتدر . اولوقت حقك بزه احسان  
 بيورمش اولديغى اشبو نعمت عظمايه تشكر ايتماز لازمدر .  
 و اكبر اطراف و اكنافه قولاق قبارتدقدن سكره خلقك  
 عندنده منفور اولوب هر دائم بزه بد دعا ايتدكلرينى  
 طوبيارسهك اولوقت اخلاق نامرضيه مزى اوصاف حميده يه  
 تبديل اتمكه و كنديمزله خلقى ارضا ايدرك حقك رضاسنى  
 تحصيل اتمكه سعى و غيرت ايتماز امور واجبه دندر .  
 ( كلهلم مانحن فيه ) اسماعيل حقى ( قدس سره السامى  
 حضرتلى [ اطلبوا العلم ولو بالصين ] حديث شريفك  
 تفسيرنده بيوررلر كه ) علمى تحصيله چاليش چينده ايسه  
 وار آرا بول ( امدى ) علم ( دن مراد علم باللهدر .  
 يعنى عارف بالله اولان مرشد كامل چين ولايتنده بيله

اولسه بولنجه یه قہر مرید صادق سیاحت ایتیمی لازمدر .  
 پس سیاح اولمق حقی طلب ایچون دکدر . زیرا حق دئنا  
 سننکله برابردر . وسفر واقامت بو خصوصده بردر .  
 بلکه حقی بولان انسان کاملی بولمق ایچوندر . زیرا واحد  
 حق بولندجه موجود حقیقی بولنماز . انکیچون براستاد  
 شاگردینه دیدیکه « یا غلام بر کره بازید بسطامی بی کورمک  
 بیک کره حقی کورمکدن اولادر . زیرا حقی دئنا  
 کوررسن . ولکن بیلمزسن » وار امدی بیلور برکامله  
 مقارن اول تاکه کوردیکک ذاتی سکا بیلدره ورؤیتک  
 صحیح اولدینی ظهوره کله . مثلاً تبدیل جامه ده پادشاهی  
 کورن ذات بیلمینجه پادشاهی کورمش صایلمماز . نتکم  
 اعمانک دائره بصری آچیق اولسه دخی حدقه سی کورمینجه  
 ینه اعمادر . بو بیدن محل کفایت ایتیموب بلکه محله  
 نور اولمق لازم کلدی . وبوندن فهم اولندیکه انسان کامل  
 وشیشخ واصل مریدک بصیرتنه کحل الجواهر کبی سرمه  
 توحیدی چکوب کثرتده وحدتی مطالعه ایتدیرر [ ( انتہی  
 قول الحق ) رسول اکرم صلی الله علیه وسلم افدمن

حضرت تلمی دخی اولیائی تعریف مقامنده بیورمشلردرکه  
 [ واللہ اولیا شول کیمنه لردرکه حق تعالیٰ بی قول لرینه  
 وعبادی اللہه سودیرر . وروی زمینده هر کسه نسیحت  
 ویرمکه مشغولدرلر ] حاعلی اولیاء اللہ نیجه فوائد والطف  
 غیبیه ایله مریدانک قلبلرینی تزین و ماسوادن تطهیر  
 ایدرک مرآة الهی اولمغه مستعد قیلارلر . ایشته مرتبه  
 ارشاد و مشیخته اولنلرک شان و حالی بودر . مولانا  
 جلال الدین رومی قدس اللہ سر السامی افندمز حضرت تلمی  
 [ الشیخ فی قومه کالنبی فی امته ] حدیث شریفه اشاره اشبو:  
 کفت پیغمبرکه شیخی رفته پیش « چون بی باشد میان قوم خویش  
 بتنی ایراد بیورمشلردرکه » هر قومک شیخی علم و عقلمه  
 نظراً میان امته نبی کیدر دیمکدر . اطاعت و متابعتی  
 واجبدر . پس کرکدرکه شیخ اولان ذات رسول اکرم  
 صلی اللہ علیه وسلم افندمز حضرت تلمینک سنت سنیه سنه  
 وسیرت قدسیه لرینه متابعت ایاید تا که محبوب حق و مقبول  
 خلق اوله . نتکم قرآن کریمده [ قل ان کنتم تحبون اللہ  
 فاتبعونی یحببکم اللہ ] وارد اولمشدر . یعنی ( یا محمد محبه اللہ

دعوا سنده بولنان قریش طائفه سنه دی که اکر محبة الله صا  
صادق ایسه کز بنم اقوال و افعال و احوالہ اتباع ایدی کز که  
الله تعالی حضرت تبری سزنی سوہ ) امدی محبة الله سبب  
متابعت رسولدر . بو صورتده سنت سزیه لرینه مخالفت  
ایدوبده ( اللهی سورم ) دعوا سنده بولنانلر کذابدر .  
کتاب الله آنلری تکذیب ایدرنتکیم ] قل اطیعوا الله و اطیعوا الرسول  
آیت کریمه سیله ثابتدر . شو یاه که ( یا محمد محبة الله دعوا سنده  
بولنانلر دی که محبة الله علامتی حقه و رسولنه اطاعتدر .  
یعنی طاعة الله طاعت رسوله متعلقدر . رسول الله عصیان  
ابنه طاعة الله حاصل اولماز » ابن عباس رضی الله عنهما  
بو آیتک تفسیرنده بیوردرلر که ( محمد علیه السلامه اطاعتک  
بکا اطاعتدر . لکن محمده عصیان ایتمکه بکا اطاعت  
ایدرسه کز طاعتکیزی قبول ایتیم ) بو مآلی مؤید ] فان  
تولوا فان الله لا یحب الکافرین ] آیت کریمه سی وارد  
اولمشدر که « طاعتی قبول ایتیموب اعراض ایدرلرسه  
الله تعالی حضرت تبری کافرین و منکرینک افعالی سومز .  
وعفو و مغفرت دخی ایلمز » دیمکدر . تفسیر خازنده

مسطور در کہ فخر عالم صلی اللہ علیہ وسلم افندمز حضرت تبری  
 بیور مشلر در کہ « اطاعتدن ابا ایتیمان اتممک جمہ سی جنتہ  
 کیرر » اولوقت اصحاب کزین « یا رسول اللہ اطاعتدن ابا  
 ایدن کیملردز » دیمبری اوزرینہ جوابندہ « بکا اطاعت  
 ایدن جنتہ داخل اولوب عصیان ایلیان اطاعتمدن ابا ایتیمش  
 اولور » دیو بیور مشلر در . کذا صحیح مسلمده مسطور  
 در کہ مفخر انبیا علیہ اکمل التجایا افندمز حضرت تبری  
 [ من اطاعنی فقد اطاع اللہ . ومن عصانی فقد عصی اللہ .  
 ومن اطاع امیری فقد اطاعنی . ومن عصی امیری فقد  
 عصانی ] بیور مشلر در کہ « بکا اطاعت ایلیان اللہ اطاعت  
 ایلمش و عصیان ایلیان اللہ عصیان ایتیمش اوله جنی کبی  
 امیرمه اطاعت ایدندخی بکا اطاعت واکا عصیان ایلیان  
 بکا عصیان ایتیمش اولور » دیمکدر . بو حدیث شریفدن  
 دخی آکلاشیلور کہ [ اطاعت رسول اطاعة اللہ بادی  
 اولدینی کبی اطاعت سلطان دخی اطاعة اللہ و اطاعت  
 رسوله بادیدر ] واشبو مالی موید جامع هذه الحروف  
 عاجزانه دیر کہ :

اهل ايمانہ طاعت سلطان ، فرزند غافل اوله ای مؤمن  
 بو سیدن نثار ایدر اکا ، جانی عسکر و مجاهد دین  
 اسماعیل حقی و سمیه نام رساله سنده بیورر لرکه [ ان الذین  
 یبایعونک انما یبایعون الله ] آیتندہ مبايعه سی واجب اولان  
 طائفه اوچدر . ( ۱ ) انبیا و مرسلین علیهم السلام ( ۲ )  
 ورثه سی اولان علمای عاملین و مشایخ و اصلین ( ۳ ) ملوک  
 عادلیندر . و بونلره مبايعه حقه ، مبايعه در . زیر ارسل کرام علیهم  
 السلام حد ذاتندہ معصوم و علماء بالله ایله مشایخ و اصلین  
 محفوظ من عند الله اولدقلری جهتہ معاصی ایله امر ایتمزلر .  
 دائما طاعت و عبادته ترغیب و تحریض ایدر لر . ملوک  
 عادلین دخی ملهم من عند الله اولوب انبیا و اولیانک اثرینه  
 سالک و مشایخ و علمانک طریق هداسنه منسلک اولدقلرندن  
 رعایاسنی شریعت غرایه تسلیک ایدر لر . بناءً علیه مظفر  
 و منصور و ارواح اولیانک روحانیتلرندن دائما مؤید  
 و معمور اولور لر ( انتهى کلام الحق ) امدی [ الله ولی الذین  
 آمنوا ] [ ان اکرمکم عند الله اتقیکم ] و بالاده یازیلان

آیات عدیده ایله احادیث شریفه و [العلماء ورثة الانبياء] و [علماء امتی کانبیاء بنی اسرائیل] ودها نیجه اخبار قاطعه دن آ کلاسیلور که مشایخ کاملینه مبیعه و متابعت الله و رسولنه مبیعه و متابعتدر . زیرا [خذوا العلم من افواه الرجال] بیوراشدر . یعنی ( علم حقیقی علماء بالله آغز لرندن آلیکنز) زیرا بونلر « مرشدی اولیوب علوم صوریه ایله مشغول ظاهر علماسی کبی ) علمی میتاً عن میت اخذ ایتیموب حیاً عن حی اخذ و تاقی ایلمش لردر . حی ایله میتک فرقی ایسه حق ایله خلقک فرقی کیدر . حاصل کلام انبیا علیهم السلامک انفاس قدسیه لرندن کافه موجودات مستفید اولدقلری کبی اولیای کرام قدس الله سرارهم حضر اتنک روحانیتلرندن دخی هر آن مستفیض اولدقلری ارباب ذوق و وجدان و اصحاب بصیرت و عرفانه منجلی و غیر خفیدر . زیرا عالمک حیاتی اولیانک انفان قدسیه لر یله قائمدر . برکون حضرت شیخ قدس الله سره افدمز حضرتلری « مرآتک آرقه سی سرلی اولمامش اولسیدی صورتمز کورنمزدی . کذا سر الہی اولان

او ایای کرام بو دنیا ده بولنماش اولسه عالمک معدوم  
 اولسی لازم کلوردی « دیو بیورمشردر . ایشته کلام  
 قدسیلریدخی مال سابقی مؤیددر . اثرده وارد اولمشدرکه  
 | قوام الدنیا باربعة اشیاء . عدل الامراء . وعلم العلماء .  
 و احسان الاغنیاء . ودعاء الفقراء | یعنی « دنیا ، امرانک  
 عدالتی و علماء عاملینک علمی ، و اغنیانک احسان و تصدق لری  
 و فقرا و درویشانک دعا لریله قائمدر » امدی امرادن عدالت  
 و علمادن علم و عمل و اغنیادن احسان و تصدق رفع  
 اونورسه درویشان و فقرا دن دخی دعا و نیاز رفع و زائل  
 اوله جنی و ارسته اثبات و دلیل اولوب بقالریدخی دنیانک  
 بقاسنه بادیدر . دیو مال سابقدن منفهمدر . ای طالب  
 صادق اکر سن مقام مشاهدهیه واصل و تجلیء ذاته نائل  
 اوئمش بر مرشد کامل و وارث محمدیء مکمل بولور و یاخود  
 اوزاق بر مملکتده بولندیغنی ایشیدیرسه ک فرصتی فوت  
 ایتیموب همان حضورینه واروب انتسابه مسارعت و کمال  
 تسلیمیت و صدق و استقامتله ویرمش ارلدیغنی ذکر و فکرینه  
 مداومت ایدرک تکمیل تربیه ایتمهک سعی و غیرت ایت .